

太上玄門晚課

啓經

太上度人無量天尊	超度三界難	鍊質入仙真	大道洞玄虛
	靜念稽首禮	遂成金剛體	有念無不契
	地獄五苦解		
	悉歸太上經		

提綱（主壇）

一炷真香烈火焚

金童玉女上遙聞

此香逕達青華會

奏啟尋聲救苦真

太乙救苦天尊

開經偈

寂寂至無宗

虛峙劫仞阿

豁落洞玄文

誰測此幽遐

一入大乘路

熟計年劫多

不生亦不滅

欲生因蓮花

超凌三界塗

慈心解世羅

真心無上德

世世為仙家

申意

種種無名是苦根

苦根除盡善根存

太乙救苦天尊

但憑慧劍威神力

跳出沉淪五苦門

太乙救苦天尊

道以無心度有情

一切方便是修真

太乙救苦天尊

若歸聖智圓通地

便是昇天得道人

太乙救苦天尊

紫雲覆黃老 是名三寶君 還將上天炁
以制九天魂 救苦諸妙神 善見救苦時
天上混無分 天炁歸一身 皆成自然神
自然有別體 本在空洞中 空洞跡非跡
偏體皆虛空 第一委炁立 第二順炁生
第三成萬法 第四生光明 天上三十六
地下三十六 太玄無邊際 妙哉大洞經
皈命太上尊 能消一切罪

太上洞玄靈寶救苦拔罪妙經

爾時

救苦天尊	偏滿十方界	常以威神力
救拔諸眾生	得離於迷途	眾生不知覺
如盲見日月	我本太無中	拔離無邊際
慶雲開生門	祥煙塞死戶	初發玄元始
以通祥感機	救一切罪	度一切厄
渺渺超仙源	蕩蕩自然清	皆成大道力
以伏諸魔精	空中何灼灼	名曰泥丸仙

道言十方諸天尊 其數如沙塵 化形十方界
普濟度天人 委炁聚功德 同聲救罪魂
罪魂實可哀 我今說妙經 念誦無休息
歸身不暫停 天堂享大福 地獄無苦聲
火翳成清署 劍樹化騫林 上登朱陵府
下入開光門 超度三界難 逕上元始天
於是飛天神王 無鞅數眾 瞻仰
尊顏 而作頌曰

天尊說經教 接引於浮生 勤修學無為
悟真道自成 不迷亦不荒 無我亦無名
朗詠罪福句 萬偏心垢清

東方玉寶皇上天尊
南方玄真萬福天尊
西方太妙至極天尊
北方玄上玉晨天尊
東北方度仙上聖天尊
東南方好生度命天尊
西南方太靈虛皇天尊
西北方無量太華天尊
上方玉虛明皇天尊
下方真皇洞神天尊

齋戒 作是津梁 一切有為 顯持真路 體此
法相 乃可受持 能屏眾緣 永除染著 外相
不入 內相不出 於正念中 乃得五臟清涼
六腑調泰 三百六十骨節之間 有諸滯礙
十惡之業 百八十煩惱之業 眾苦罪源
悉皆除蕩 即引太和真炁 注潤身田
五臟六腑 心目內觀 真氣所有 清淨光明
虛白朗耀 杳杳冥冥 內外無事 昏昏默默
正達無為 古今常存 總持靜念 從茲解悟
道力資扶 法藥相助 乃節飲食 驅遣鬼使
安寂六根 靜照八識 空其五蘊 證妙三元

爾時 飛天神王 及諸天仙眾 說是頌畢
稽首

天尊奉辭而退

太上洞玄靈寶救苦拔罪妙經終
元始天尊說生天得道真經

爾時

元始天尊 在大羅天上玉京山中 為諸天仙眾
說此生天得道真經 告諸仙曰 吾今為汝
略啟身心 明宣道要 十方得道神仙 皆從
此經修行 而通微奧 善男子善女人 依憑

羅列威儀 敷陳道要 怡神默坐 於玉京山
放七寶光明 照福堂地獄 見福堂之內 男女
善人 快樂無為 逍遙自在 復見諸地獄之中
餓鬼窮魂 以日繼夜 受種種苦惱 悉無人形
五體壞爛 飢飡猛火 渴飲鎔銅 足履刀山
身負鐵杖 遍體流血 悲號徹天 是時會中
有一真人 名曰廣信 從座而起 稽首前進
上白 道君曰 不審此輩窮魂 生有何咎
而受茲苦

道君曰 受諸罪者 在世之時 不敬三光
欺負神理 十惡五逆 不忠不仁 不慈不孝

得道成真 自然昇度 爾時諸天仙眾 上白
天尊言 自從無始以來 至於今日 未聞
如是大乘經典 我等緣茲幸會 廣及一切
道果圓明 而說偈曰

杳杳冥冥清靜道 昏昏默默太虛蹤
體性湛然無所住 色心都寂一真宗

元始天尊說生天得道真經終
太上道君說解冤拔罪妙經

爾時

太上道君 與諸聖眾 在八騫林下 七寶臺中

罪對不復遇 福報與冥通

用人安可測 讚之焉能窮 是時

廣信真人 與諸聖眾 聞法將畢

各各稽首皈依 信受奉行

太上道君說解冤拔罪妙經終

發願文

至心發願願我等 歷劫廣脩三業善
常持妙法救含靈 不被塵網所包纏
生生超度三塗難 願得寸心如慧日
能除昏暗照虛空 於諸法中無我人

毀傷物命 殺害眾生 福盡壽終 當受斯苦
是時 廣信真人曰 心生哀憫 欲其濟拔
幸望妙力威光 許令開度 伏蒙

道君 垂賜金言 廣設法要 為諸眾生 演說是
經 名曰解冤拔罪 流佈於世 利益存亡 若有
善男子善女人 一心專志 入靜持齋 焚香行
道 六時轉念是經 吾當隨願 保佑其人 使宿
世冤仇 乘福超度 幽魂苦爽 各獲超昇 真人
廣信 歡喜再拜 爾縷勝因而作頌曰

偉哉大道君 常普無量功
舟楫生死海 濟度超羅酆

提綱 三遍。C

天尊設方便 拔度諸幽魂
鐵圍一時破 究竟令清淨
破地獄咒 三遍。C

茫茫酆都中 重重金剛山
靈寶無量光 洞照炎池煩
九幽諸罪魂 身隨香雲旛
定慧青蓮花 上生神永安

常起慈悲一乘行 願口常餐甘露味
宣敷淨戒度人天 無談惡語綺言詞
不噉生生含血命 願足不履三惡道
願手不殺一眾生 願身如影輔天尊
坐起周行無捨遠 願與一切諸類等
俱辭餓鬼畜生身 願與三界天人同
一切勤求無上道 發願已竟 皈命

三寶

志心稽首

太上無極大道

志心稽首

三十六部尊經

志心稽首

玄中大法師

沐浴度魂咒 三遍。

巍巍道德尊 功德已圓齊
降身來接引 師寶自提攜
慈悲洒法水 用以洗沉迷
永度三清岸 長辭五濁泥

主壇

無量度人元始天尊
無量度人靈寶天尊

淨豐都離寒庭咒 三遍。◻

功德金色光 微微開幽暗 華池流真香
蓮蓋隨雲浮 千靈重元和 常居十二樓
急宣靈寶旨 自在天堂遊

解冤咒 三遍。◻

眾生多結冤 冤深難解結
一日結成冤 三世報不歇
我今傳妙法 解除諸冤業
聞誦志心聽 冤家自散滅

自皈依後 稱道為師 更不皈依邪魔外道
信禮常住

三寶 再當受持九戒

第一戒者眼不妄視 第二戒者耳不妄聽

第三戒者鼻不妄嗅 第四戒者口不妄言

第五戒者手不妄操 第六戒者足不妄踐

第七戒者身不妄殺 第八戒者意不妄貪

第九戒者心忍如地

從今以後 稱道為師 更不再犯前非
持此九真妙戒 各發靜念 早得昇天

無量度人道德天尊

太乙尋聲救苦天尊

太極內煉葛公真君

西河救苦薩公真君

十方救苦真人 十方救苦童子

三皈九戒

（主壇 汝諸魂眾 皈依道 永脫輪迴
皈依經 得聞正法 皈依師 不落邪見

甘露咒

悲夫長夜苦 煩惱三塗中
猛火入咽喉 長生饑渴念
一灑甘露雨 如熱得清涼
二灑甘露雨 神魂生大羅
三灑甘露雨 潤及於一切
再將法水灑幽魂 耳目咽喉盡開通
清涼甘露天尊。。

五廚經

一炁和太和 得一道皆泰 和乃無一和
玄理同玄際 不以意思意 亦不求無思
意而無有意 是法如是持 莫將心緣心
還莫住絕緣 心在莫存心 真則守真淵
修理志離志 積修不符離 志而不脩志
已業無已知 諸食炁結炁 非諸久定結
炁歸諸本炁 隨取當隨洩

三光化食咒

浩精生法炁 氤氲凝天中 兩曜共澄徹
五緯相交通 三光煥已明 寶炁凝三宮
帝鄉會九老 咽服百骸豐 金華照光景
身與日月同 念道上聖前 萬劫壽無窮

回度出生咒

勤修大道法 精心感太冥 黃華真炁降
五臟結胎嬰 幽魂生天堂 飛昇朝上清
福慧無不偏 此食施眾生

甘露法食咒

冷冷甘露滋 法味難思議 騫香流七真
冥冥何所疑 受此法食者 生天登紫微
福田高巍巍 供食令清淨 一切有為事
普皆成代命 拔汝三塗苦 施汝九玄慶
臨當受食時 諸天皆讚詠 寒庭多悲苦
回首禮元皇 女青靈寶符 中山真帝書
一念昇太清 再念歸虛無 功德九幽下
旋旋生紫微

太乙寶誥

志心皈命禮

青華長樂界 東極妙嚴宮 七寶芳騫林
九色蓮花座 萬真環拱內 百億瑞光中
玉清靈寶尊 應化玄元始 浩劫垂慈濟
大千甘露門 妙道真身 紫金瑞相
隨機赴感 誓願無邊 大聖大慈 大悲
大願 十方化號 普度眾生 億億劫中
度人無量 尋聲赴感

太乙救苦天尊 青玄九陽上帝

普濟法食咒

自然天廚食 吾今與加持
一粒變十方 河沙鬼神共
饑渴永消滅 食之宴瑤池
今將施幽魂 功德不思議
願以此功德 普及於一切
我等與眾生 同歸無上道

懺悔文

(主壇) 經功法力不思議 回向十方諸聖眾

願見真心求懺悔 河沙罪障悉消除

懺悔眾等 自從曩劫 乃至今生 假火風地
水以成形 戀香味色聲而觸法 貪嗔癡毒
惡口妄言 殺盜邪淫 恣情縱慾 逆辱父母
背負君師 不敬天地神祇 訶風罵雨 不信
罪福因果 昧理欺心 遂至報對升沉 輪迴
展轉 受諸苦惱 無有休期 蓋由一念之差
障迷自性 妄認六塵之幻 沉溺愛河

稽首皈依東極宮

太乙尋聲救苦尊

左手碧盂盛甘露

右手楊枝灑靈津

大聖大慈濟世界

大悲大願度亡靈

我今稽首皈命禮

志心稱念太乙尊

太乙救苦大天尊

我今稽首皈命禮

垂慈普濟大天尊

我今稽首皈命禮

三茅應化大天尊

願國安民豐時和穢稔
願宗風丕闡道化興行
願兇惡化賢邪魔歸正
願兵刑罔措囹圄空閑
願沉滯昇遷冤仇和釋
願參玄學者悟道成真
願現在父母增延福壽
願過去尊親早得超昇
願歷世師友同證真常
願歷劫宗親均皆超度

今茲已獲人身 叨親正教 豈非千生慶幸
一旦遭逢自合省心 早求度世 若復似前
流蕩 畢竟迷失本來 恐墮冥途 化為異類
是故思沉淪苦 發清淨心 皈叩
聖真 哀求懺悔 慨憐愚昧 原赦罪愆
解釋報冤 蠲消魔障 所覬命逢昌運
名注丹臺 際遇真師 親聞至道 精修妙行
增長善芽 進節玄門 凝神真境 他日運應
滅度 自性不致昏迷 逕生十善之家 能
通宿命 還證上乘之道 臣侍 虛皇上

詠讚

青華教主 太乙慈尊 玉清應化現金身

大開甘露門 VII 接引群生 永出愛河津。 VIII

東嶽寶誥 志心皈命禮

赫奕玄英之祖 金輪少海之宗 彌仙母夢
日光生 紫府聖人東華弟 昔建功於長白
始受封於羲皇 初號泰華真人 漢明泰山
元帥 唐會崇恩聖帝 聖朝敕賜大生位
鎮坤維 功參乾造 凡居品位 悉皆隸焉

願所傷物命早生人天
願絕食葷酒不相殺害
願持身端正不履邪淫
願悉破慳貪滅除嶮峻
願言無誑妄行貴純真
願弱已饒人潛忍忿怒
願慈心下氣恭敬一切
願不墮邊夷不隨邪見
塵劫有盡 我願無窮 端望

聖真 曲垂濟度 三皈依內 不落邪見

靈官寶誥

志心皈命禮

先天主將 一炁神君 都天糾察大靈官
三界無私猛烈將 金睛朱髮號三五火車
雷公 鳳嘴銀牙 統百萬貔貅神將 飛騰
雲霧 號令雷霆 降雨開晴 驅邪治病
觀過錯於一十二年 受命

玉帝 積功勳於百千萬種 誓佐祖師
至剛至勇濟死濟生 方方闡教處處開壇
太乙雷聲應化天尊。。。

仁以德仁 回陽春於掌上 聖而益聖
麗日月於天中 五嶽稱讚於東方 三界
獨尊於中界 仰奉行於大道 俯糾察於
陰司 掌人間善惡之權 專天下死生之柄
懲姦惡而獄分三十六主 司吉凶而案判
七十二曹 行善者注生天堂 沉迷者尋聲
救苦 示大慈慈悲之相 開眾生生化之門
福與天齊 功高無量 大悲大願 大聖
大慈 中界至尊 東嶽聖帝 慈光救苦
威權自在天尊

三皈依

自皈依道 當願眾生 超脫一切 住最上乘
自皈依經 當願眾生 深明經藏 神通莫測
自皈依師 當願眾生 太上授首 成大仙道

稽首

聖眾

收經讚

誦經功德 不可思議 諸天諸地 轉靈機
國運壽夭 齊大道 慈悲 萬化樂雍熙

土地神咒

(主壇) 此間土地

(眾) 神之最靈

(主壇) 昇天達地

(眾) 出幽入冥

(主壇) 為吾關奏

(眾) 不得留停

(主壇) 有功之日

(眾) 名書上清

(主壇) 向來經懺

誦經功德 上奉

慈尊 下濟幽冥

脫化仙鄉 同賴善果

證無上道 一切信禮 志心稱念

十方救苦天尊 不可思議功德

回向文

願消三障諸煩惱
願得智慧證盟了
普願災障悉消除
世世常行無上道
四恩三有均利益
十洲三島任逍遙
回向四府眾龍神
禮謝道經師三寶
課誦圓滿福無邊
風調雨順民安樂

玄

門

晚

課

終

安土地神咒

元始安鎮

普告萬靈

嶽瀆真官

土地祇靈

左社右稷

不得妄驚

回向正道

內外澄清

各安方位

備守

壇家

庭

太上有命

搜捕邪精

護法神王

保衛

壇庭誦經

皈依大道

元亨利貞

大聖元始安鎮大天尊

。。
。

道教寶笈

道教美國總會清微神霄道法科儀研究委員會

太上玄門晚課

太上玄門金闕正統經

太上清靜真人臣等謹啟

北美胤玄行天宮恭印